

秋

室

集

秋室集卷九

詩 七律

歸安楊鳳苞傳九著

夜坐書懷

街柝聲酸隔巷過宵分畏影問誰那書能窮骨供辛
苦夢不關心到甲科世味薄真雞肋似元談傲奈馬
曹何自憐射虎英雄氣銷付青鐙寶劍歌

覽鏡勛名轉瞬過落然寒事到居那悔教不作宣明
面枉我猶參掌故科一睡人才皆令僕半生吟卷共
羊何拂衣同調知誰是明到西山獨放歌

寄弟鳳擊

老屋高眠稱陸雲
消寒餘事任支分
錦囊未賣千金賦
花史新加九錫文
小築詩壇招畫隱
判除酒國策茶勛
密梅昨夜香魂返
靜檢清心細細聞

臘梅

一丸先破臘前春
紺髮落枝冷綴勻
重碧囊頭空俊味
竊黃聲裏自橫陳
板痕燭影催歌闕
鶯羽蜂須入夢頻
綺互荒亭何處問
詠花不見試香人

無題

夢斷春窗繡綠囊月華如水浸斜廊隔簾帶窵紅蔭
胷背燭鞦毬錦瑟僵伊睡不應輸燕姊儂憐何減對
蕭娘回看鏡裏留孤影彷彿釵茸顫蝶狂

蘭期不礙爲黃昏側側輕寒乍掩門鐙暗花鬟拋醉
纈漏回檀枕送啼痕此時惜別翻疑夢向後相思枉
寄魂誰識憶雲空望斷小屏舊事忍重論

和人歌風臺

雲揚風起古臺平檻外河流泗水聲帝業自歸三尺
劍昭靈不豫一杯羹西來中割鴻溝界北望相臨廣

武營魂魄千秋還戀此繡衣早見下東城

秋海棠次徐刺史

德元

韻

瑤海綳枝鬥豔光每逢彫後覺神傷夢殘小院涼如
水秋到空階夜有霜嬌處有教還擁背澹口猶覺剩
回腸仙姿若比妻梅例合聘叢蘭伴草堂

小結香巢認昔裝牽絲朝浣轆轤牀貯他金屋嫌無
侶留供蕭齋耐已涼覓句多師空鄭薛寫生能事付
崔黃最憐睡思秋宵穩莫聽吟蛩厭漏長

裁紅暈碧鎮相當謾擬深深護粉廊酸味泥誰嘲鄭

婢風情曾否老徐孃玉韉閒理偷新曲銅背晨翹憶
故行拘送紋幘瓶隱好薦莎取次葬名芳

託根淚點學娥皇幾簇低迷亞字牆串斷枕痕難入
畫淡如人意卻遺香重來倦蜨停僊舞借取流螢照
晚妝舊譜陳思留絕詠續拈秋卉一評量

疊前韻

零落蓮儂掩鏡光卻回春事替憂傷臉波幾許添淋
露醉纈依然傲拒霜小品神仙傳畫髓閒愁絡緯擲
梭腸含情也傍鈿箏畔錯識東風到夜堂

何須帟幕稱華裝
羯鼓聲乾倚短牀
薄靦風姿兼冷豔
平分月序異溫涼
玉簪與贈冰簪潔
瓦口輸伊粉拂黃
怪底吳娃情太冶
折枝繡滿袖羅長

碧虛燒燭李當當
獨立偏依卻月廊
乍可慢詞填幼婦
未甘名字換秋娘
疏聯錦石周遭疊
斜映朱闌十二行
休恨同時長卿少
寒叢兩兩綰年芳

望似瓊妃下紫皇
前身合住宋東牆
孤鐙細雨成遙妬
淡月疏簾共語香
撩亂提鞦階畔影
淒清擁髻鏡中牀
南朝宮體何人繼
併入風懷爲較量

陸魯望祠

抽帆春水泊松陵甫里荒祠蔓古藤自昔詩名齊從
事依然遺貌寫姜肱老來漁具閒耽詠沒後茶租歲
罷徵補闕拾遺俱莫署頭銜不爲褐衣矜

尺幅吳淞畫不如依稀臨頓舊郊居歸裝已失門前
石韻事空傳腹內書水暖放船聽語鴨日斜釣雪賣
鱸魚一杯樺酒無人酌杞菊寒畦棱棱疏

靈巖寺懷古

錦帆涇斷越兵來遺蹟猶令過客哀往日軍裝雄茂

苑到今花雨冷琴臺魂消蛺蝶雙飛斷劫付梧桐一
夢回伯業已沈殘照在風幡斜颭殿門開

謁韓蘄王墓

蘄王古隧莽遺蹤尙紀炎興第一庸殿上螺書方郭
令軍中畫鼓壓張穰兩宮環佩還何日北府金繒歲
自供想得英雄猶飲恨射堦無樹繞崇封
錦衣驄馬陣前排將略優閒見雅懷豈必酖人酬橘
茗可憐棄地到江淮罷兵歸隱詩情健抗疏和戎壯
志乖莫以張劉名竝列千秋鄂國許同儕

朔漠塵蒙殿帥撓主憂須共敢云勞魚梁搗穴雕戈
奮鴉口捎鞭羽衛牢巾幘遺來羞坐末行營令下肅
秋豪他年報國還留語忠字爭教諱汝曹

南渡江山入暮雲中原百戰竟中分徒頒龍腦藏題
湊終賜金蕉策異勳石馬尙嘶燕塞月墓門誰畫背
崑軍六陵回首冬青老夜夜啼鵑不忍聞

城濠覽古

廢隍尙見黑雲屯歎息三興破楚門錢俶錦衣空內
屬尉佗左纛漫稱尊白駒北夢舟中夜黃葉西風水

外邨當日羣雄總安在野鳥嘯上女牆昏

元夕

街痕如水漏聲遲沈困東風力未支簾外月圓過買
夜鏡中釵墜欲眠時苦拋紅豆情爲累巧訕顛花語
特癡記取囑伊長行局翦鐙伴著蹋燈詞

春寒

冥濛林影闇池臺二月江城未見梅朔吹招邀屏翳
起凍雲遮斷日輪迴蜀鵲北徙猶嘯血代馬南歸莫
動埃宋玉微詞空託諷後庭繡帳不須哀

花朝書事卻寄

何處分襟買夜前
小紅橋畔小吳船
空辜臥寢違徐淑
翻惜銜恩媿彥先
桑下記留三宿變
梅南望斷尺書傳
鬥茶說餅消寒味
卻憶當時只惘然

刻意傷春臥袷衣
幾番花信送斜暉
徒聞令曲深深轉
可許清歌緩緩歸
上冢年光遲舊約
占春夢緒驗今非
浹辰離恨知多少
賸減維摩帶一圍

村齋判似賈胡淹
時省圍棊得免嫌
舉案每勞供藥裹
斷機誰忍冷書籤
薄游鶴病心無悔
餘語蟬連事

未忺細寫剡藤憑寄與夕陽雙燕到鉤簾

蓄蘭時節夢蘭塘珍重單情不可詳鶴蓋漫教窺竊
笑錦衾未許問遺忘心煎膏火中宵急恨寫冰弦一
曲涼莫對月明思往事白家有語付流黃

從來魚嶺異邯鄲小別南樓一餉歡筆札是誰工庾
信緘愁何處訴王寬鏡前髻影猶存想鏡裏嗁痕獨
自看望斷鷺鷥花發後梅風不到曲闌干

寂寥人似再眠蠶世味年來子細諳仰屋著書聊復
爾掩屏爲疾又何堪三公兀傲麈頭客七夕前期鳳

尾簪瑟趣閒編天水事除君那更覓桓譚

詠柳

第一春來更惘然垂條作意管芳年微窺淨綠能通
笑錯颭隨藍禁未眠大好韶光遲語燕無多風味送
吟鞭羅衣倩試須與事曾否情辭寄可憐

浣麴柔絲任漏春細要宮外見前身空明嫌影纖如
畫淡冶衣香染未勻學舞暗翻垂手態試裝剛識埽
眉人最憐駘蕩芳華裏生小桃根作比鄰

黃綠纔生鏡面湖臨波姪姪不勝扶二分春意兼醒

夢一抹烟痕乍有無斜日曲中傳舊怨東風筆底品
新圖同心結綰如堪贈爲問伊儂道姓蘇

斜桁縈蛾點點攢淺於描黛薄於紈朱樓亞處忼微
雨畫艇搖將泥嫩寒掠曉鶯曉初喚起討春客到近
前看等閒回首濃陰羃記取烘晴占曲闌

遣事

家家村齋水竹間蕢花開處釣筒閒吟身苦被病魔
戀秋氣都將塵事刪澹蕩半規侵曉月空濛一髮隔
湖山祇餘裘夏詩禪語妙悟參來足訂頑

同施二國祁聞籟山房看菊

石壇風露覺秋偏
招得吟朋預菊筵
出院經聲清似水
隔籬山影澹於烟
將開白社邀元亮
誰鑄黃金事浪仙
今日明鐙方丈室
軍持一領小乘禪

菊影

傲霜枝老欲歸根
空色虛無栗里村
澹沱秋光橫畫格
微茫山意寫詩痕
牆陰掩冉寒生袂
松下蕭疏月到門
不似竹君誇瑣碎
晚香只合伴蘭蓀

疏叢繁綠暗香浮
老圃離離翠欲流
子立荒寒三徑

晚栖神痠損一庭秋空牽鳳子偷回眼不上瑤簪插
滿頭愛此孤芳兩清絕斜暉將下更遲留

平鋪階面任縱橫隱見交枝曳落英笑欲簪時霜鬢
墮澹無人處夕陽明蒼苔瘳石皆同侶五出雙文莫
辨名豈誤陶公摘盈把宵來應未解餘醒

寂歷烟畦暮色微翩然斜颭映柴扉青莎小徑嵐光
滿野水孤村客屐稀夜靜鐙前移細細月來籬角弄
依依尋芳尙有西園蝶錯認寒香夢綠肥

嚴大

可均

以謁文信國祠詩見示賦此和之

錢塘王氣一朝收
龍首黃扉是夢游
萬里魂歸崖嶺
月三年淚盡
剡門秋綠荷指塔河山改
朱鳥登臺竹
石愁柴市遺祠冠劍古
當時祇悔混旃裘

閩粵驅馳創業難
皇輿敗績路漫漫
三宮帳殿龍沙
遠九禁樓船海水寒
北極星辰扶正氣
中原天地望
黃冠指南錄裏精靈在
風雨空齋不忍看

洪忠宣公祠

龍庭萬里使車勞
璇榜丹青異代褒
此日虛堂依宋
闕當年改館痛秦牢
輜軒集在風霜苦
翰墨書成閔

閱高太息南歸又遷謫奠椒須有楚臣騷

登寶石山天然圖畫閣追和樊榭山房韻

絕壁銜樓曳履登山畫裏記來曾湖光餉以臥游
客秋色冷如行腳僧入定幽禽嘯密篠無言蒼石倚
危藤斜廊花隱題詩在好景重摹謝未能

憶漢宮曲示姚

聲夏胡縉

二秀才

穹廬天迴不生春誰惜呼韓遠嫁人鈿閣幸離鶯燕
隊鏡奩羞見尹邢身由來綸翟同金輦終古閼氏隔
玉宸多謝琵琶工譯語邊愁宮怨那堪論

自和前韻酬姚胡二秀才

驚沙不見漢家春
敢道中華絕代人
徒抱楚江遷客恨
不如永巷配春身
死期塞月留青冢
夢逐東風識紫宸
寄語婕妤偕侍日
好將表餌爲君論

再和前韻寄施二秀才

國祁

劉三舍人

桐

范四

處士

錯

族弟明經

知新

昔曠離宮別有春
翻令點染畫中人
從知玉兒都傾國
謾說紅顏卻累身
刁斗空聞光祿塞
旃裘可抵蕊珠宸
宋家鄰近如相問
不賂黃金莫更論

三和前韻示陳秀才

鑾

王上舍

直淵

請行肯惜掖庭春枉負蛾眉不勝人玉具佩刀他日
欸錦車持節故宮身終令決策攘沙幕誰爲披圖奉
帝宸辛苦賄工諸女御長門買賦可同論

四和前韻酬陳生

露冷紅蘭楚塞春秦城遮斷最愁人惟餘漢殿三秋
月長照胡沙萬里身苦憶中行驕羣帳喜聞屬國觀
嚴宸細君空有刀環夢夷語兜離怨莫論

五和前韻贈族子

清藻

紫臺一去白登春遺恨圍城解美人冤比韓彭丹粉
筆功高衛霍女兒身奉輿鵲觀翻甌脫立馬龍庭換
禁宸胡婦休誇顏色好焉支敝得與重論

六和前韻寄許二 宗彥 武部孫大 同元 嚴九 元

照 二秀才

晚晚宮車歲少春按圖索駿爲何人烟棲霧冑乘鸞
女草白沙黃走馬身橫槩英雄爭上闕脫簪粉黛叶
中宸四條弦裂關山遠不共笳聲十八論

七和前韻荅 清藻

殊域頻驚塞柳春愁看萬里少行人自憐未及南歸
雁每歲常爲北向身循髮降臣淹虜地裏頭侍女悶
皇宸總教永絕君王面團扇留犁一樣論

八和前韻慰姚

聲夏

莫

量胡縉

三秀才王

直淵

上舍秋試下第

尙記臨軒顧盼春異恩終讓細要人花明鸞鏡窺雙
笑雪犯驪裘寄一身青雀駕虛頒詔使白龍堆冷祝
釐宸請看燕燕將歸妾敢與張羅老將論

九和前韻重慰王生

誰言龍塞始應春
豈有安危託婦人
筆策調翻黃鵠
怨珊瑚鞭折紫駝身
犁雲歸夢宮中樹
瓊雪浮觴帳底宸
留得香溪遺景在
杜陵妍醜且休論

戲贈莫萊君明經

量

誰讐笙典與珠墳
翻累皋比爲解紛
罰賦未輸馮院

使

見鶴林玉露

誣金不籍强參軍

强姓廣韻陽養兩韻並收

壑舟潛負

疑難見冠李防嫌省異聞
本是雪泥鴻爪蹟

事具梁溪漫志

暫時何必較猶薰

庚午除夕雜詩

有引

是夕苦寒中庭風篁擊戛密雪灑窗紙颯颯
作聲互相響苔髣髴琴師寫大蟹行也擁爐
孤坐悽神寒骨俯仰平生耿然不寐感時憫
俗觸緒懷人信口哦詩拉雜成草凡得一十
四首辛未元日晨坐松寥夷山館炙硯書

蘆簾土銼翳窮塵風雪蕭蕭著此身與我周旋寧作
我爲人寒餓不干人囊無寶劍羞稱俠餅有梅花敢
歎貧老大那知相暖熱坐聽鉦鼓鬧東鄰

疎燈老屋逗殘紅草草寒家節物同檢校牀頭新曆

日安排帖子舊屏風
荒雞隔巷鳴宵永
急霰敲窗促漏終
人道增年還減歲
半生牢落已成翁

青鏡流光又一回
影堂拜罷更銜哀
奉觴每歎孤兒子
饋食仍呼弱女陪
四海蒼茫餘禿鬢
百年寂歷共寒梅
保家傳業君休較
總是昆明劫裏灰

拋書那報九原聞
苦憶詞場角兩軍
麗藻共推張協句
夜光誰掩陸機文
花荒富貴空危砌
樹長聰明護小墳
頭白零丁餘我在
寥天斷雁叫離羣

伯兄昆谷弟錫朋相

繼亡後讀書處牡丹一叢頓萎伯兄前庚午生下世已四十有二年

蛩駝相依也自由歲闌尊酒轉添愁姊能行義踰桓
女我鮮求仁媿鄧攸客旆未歸三匯月旅魂猶滯五
羊秋筵前且泛瑤卮壽共話團樂一笑休
姊壻客游
粵東歿于
電白甥又天于外氏生人之苦姊
備嘗之末二語直是破涕爲笑

飛輓東南民力竭未聞紅粟太倉餘繡衣屢上河渠
議玉几親繙海漕書但使雲帆輪析木休教御酒送
姑胥
至尊自語宵衣切一石十平鍾恐不如

鹽鐵均調一算先上林不鑄水衡錢度支告匱頻諧
價守令催科更佩弦著論桓寬憎富吏急公卜式願

輸邊莫言平準開桑孔猶是西京全盛年

百里牽絲秩豈微如何撲滿戒偏違三吳徵漕分頑
懦天下除官較瘠肥蝨脰蟣肝爭亦得瘴頭鼠目貌
都非放衙高擁黃紬穩墨吏從來下考稀

已免人書牘背辭謫官歸去又何疑姓名便卜金甌
易勲業堪銘玉鉉遲蒹葭秋風張翰膾杏花春雨伯
生詩憑誰領得蕭閒味悵望京華有所思

爲賺英雄鎖院重冬烘頭腦一時宗納金剛杵矜儼
捷奏鬱輪袍巧取容應制文章羊氏鶴私門桃李葉

公龍請看瀝洛江皋對翻使功名勒景鐘

唐人以江皋對瀝洛

養老對乞言翻得中第爲時所譏事具摭言嘉慶已

巳庶常散館有類此而斥者亦古今人之幸不幸也

磨蝎身宮與命爭又將餘疹累諸生三冬用枉勤文

史于佛經猶欠綴名易演爻辰觀逸象詩箋咳雅補

陳生鑾以晉書十八

花笙況從典午搜遺簡何日胥鈔十手成

家皆佚從羣籍中草扞鈔誤頃嚴

孝廉可均問成書否因以督之

長安爭比日邊看得上梯階到未難白壁別緣虛獻

納黃金散爲拯孤寒久知桑扈常酣榼巨耐甘蕉不

受彈歸夢鏡湖三百里賀家祠畔酒船寬

王生直淵故越產

一編麗則有餘音
鐵史家風託賦心
奇格追攀磨角
集清聲超越鳳雛吟
汝袍尙斲金裝帶我鬢
先看雪滿簪
底事王門裾可曳
曾聞碎擲戴逵琴
族子炳堃長於賦
少受陰符咽瓠泉
壯心銷耗到殘年
吳淞江上多游侶
茗雪溪傍待卜廬
雙屐雲扶樵擔徑
孤篷雪壓釣魚船
只應埋骨西崦麓
萬梅樹花好墓田

辛未元日雜詩

有引

晨起雪霽寒逾烈
寫前詩訖枯坐無聊卽事
振觸拈韻吟詩復如除夕之數夜漏已三下

矣十指且僵不能搦管也次日雪中錄

晨光微射紙窗虛快雪初晴啟敞廬老去年華渾冉冉春來消息每徐徐家貧兼病聊躬稼身隱焉文漫著書辭客誑言君莫訝要留霏屑覆階除

嬾寫桃符貼短楹就衰耆境不堪思當筵射覆徵詞緩半夜聞雞起舞遲說劍雄心歸鬪茗調羹閒手試炊糜算年五十須除卻八歲依然就傅時

秣陵書札寄泉臺爲道人閒大可哀墓上伊誰題健者生前有客賦嗟哉蘆笳吹徹宮聲啞荷鏡縣空月

影殲不信芹言今始驗荒塋何處酌深杯

亡友畫上舍傳負經

世才謨芹言十篇論將相大略蘆笳荷鏡皆篇中喻語也

詩史金源細校評裕之京叔兩垂名中書推轂言何

易甘露磨碑事孰成豈有單于充聘使更無粘罕討

牙兵可憐一代遺編盡疑案煩君佐證明

施二秀才國祁箋元

遺山集又詳校金史故摭詩史疑案質之

黃門彈劾震朝端揆席何曾踞坐難聖主因修旌

直檻小臣悔戴觸邪冠蹇驢目斷丹墀遠老鳳心驚

白簡寒他日臺山還有恨誰從萃澤勸回鑾

聞道孫盧歸命曰臺臣經畫頗紛拏南溟樓舳三千
靖上國金縉百萬賒莫謂鯨鯢能革面須防豺虎會
磨牙 皇家威德原無外善後機宜豈易誇

南北成韓慎舉某久居方任始宣釐雄藩仁報雙旌
駐劇鎮旋聞八纛移敢曰驅馳憂道長那堪供億困
征疲遙知手版奔趨數鷺埃烏亭滿鼓旗

黃悍淮驕下廟灣漕渠如綫有無間九重劍璽籌天
廩萬派崑崙拒海關濁浪支祁鉤鎖掣官租吳粟運
搜艱司空使者都推讓二賈功勳不復還

山河百二古幽燕第一京東策墾田學士奎章陳碩
議少卿潞水補奇篇幾時棲畝琅邪稻是處安流錦
繡川江左征徭應少減不知廟算更何先

塞繞長河絡地繩有唐都護兀憑陵拂雲鐃吹三城
險靈武皇興一旅興直使吐番常斷臂翻然回紇可
麾肱方今盪埽羌夷服套寇胡爲部落增

詞苑才章信爾曹兔園叟冊擬搜牢碧幢攢引麒麟
植玉尺空函虎豹殲當代孰閑天下馬古人曾識九
方皋鴻飛莫惜冥冥去萬里雲霄見羽毛

東京文物未彫徂桃梗神叢已嘯呼瑞應鳳麟從古
少才須鴈犬有時無耳聞柱石非良祝手摸牀稜是
廟謨爲問朝元當軸者可知漆女室中吁

孤蹤不愛世人知穿穴殘書與古期九辯曲傳騷客
怨五噫深惜漢京衰撫遺南國庚申史收拾西臺甲
乙詩風節尙餘前輩在編存留作後生師

年來傲骨尙孤騫未許消搖學漆園鑄劍祇詒吳季
子買絲還繡趙平原薰蕕異器纔分臭桃李成蹊自
不言宏濟吾生空抱願今看小試護花旛

去冬雨雪不止元朔始霽次日復雪兼旬凍涸
載塗縞然在目庭戶寥廓裁詩遣興

八表同昏朔氣橫閉門偃臥破新正雪翻厯落嶽崎
態風吼飛揚跋扈聲丹水已傳元鶴語孤棧休聽戢
鳴鳴欲徵瑞應邀鄰叟閒說雍乾舊太平

宿雲不卷擁遙林蓬戶投依少暮禽寒落雁毛橫絕
塞禮連牛日蕩窮陰梁園賦罷留霜簡黃竹謠成佩
玉音詎學香山老居士半生諷諭託微吟

選官角勝坐分曹銀燭圍鑪也自豪漢代椒親皆肺

腑霍家奴子且旌旄膏梁北部書勛捷團甲西園論
價高垂老雪中思往事暗傷依舊一青袍

皓然積素滿林垞明月移來貯廣庭銀海桂宮涵上
下瑤窗玉戶門瓏玲詠詩牛渚回租權留醉龍門送
妓輶勝事古今難并得終宵清賞莫遲停

揚州自古歎塗泥終藉辛勤力稻畦溢廩只添羣吏
喜空廚誰卹萬家嗟但收若輩投豺虎稍假吾鄉靜
犬雞永守今 皇輕賦詔莫教暴斂困窮黎

哭胡縉孝廉

驚聞老淚滿衣裳視昔眞教痛結腸問字多慙頻撰
杖詠詩忍憶見扶牀此時頂赤升天去舊日槐黃入
世忙顏蹠亦淪修短數綠章吾欲訊蒼蒼

休嗟孤露半生勤虐命惟才古有云一病渾緣耽白
帖廿年空負預元文埋來玉樹殊傷我夢到銀河豈
見君歎息遺雛方在抱哀鳴寡鵠那堪聞

哭閔 芑豐
秀才

暫爾分張各黯然那知永訣夢難圓傷心屬疾剛旬
日回首論交已十年史校漢唐遺藁在說宗許鄭舊

鈔傳寢門咫尺無由哭痛絕妻孥棄一塵

秋燈黃嬾味誰同家街相從喻女工倍誦九經瓶瀉
水疾書萬字雪迴風神明垂死何曾喪簡牘今生倘
再通苦憶去年除歲後更闌尙話燭花紅

重九後得項

初書

聞王

鑄

歿哭之

片札傳來惡耗真何堪今復喪斯人我當茗椀題餽
候君是帷堂徹瑟辰賸有零縑摹臧伯竟無餘論續
霄賓衰遲久竭窮交泪哀輓中年賦已頻

詠虞美人草

乾隆甲申讀豐草庵門韻牌編是題詩愛其
超脫微嫌以險韻出之減天成之妙擬此四
章亡友董定國最爲激賞與先兄昆谷各有
和作是時酬倡頗劇家庭閒好之娛後四年
先兄卽世又後六年定國遽卒隻輪孤翼漠
無所向斷絹零箋皮置敝篋忽忽五十餘年
不復省憶杪秋張婿之案至余家請及舊藁
爰搜殘卷得原作四首惜平和詩已亡人琴
之感泫然不知涕之何從矣并續賦如千首

錄以示之俾知老人童牙之儔侶非近世人

也嘉慶廿年立冬前二日

春風依舊漢山河運去英雄奈若何百戰軍亡憐駿
馬六宮花豔送青蛾雨昏有泪霑吳繡夜靜無心聽
楚歌猶戀憤王塋下路年年三月繞東阿

楚些魂歸瘦影孤千秋恨血蝕昆吾春星如照重圍
合殘日空明一騎無按譜新翻清角引折枝添入小
滕圖故鄉衣錦今安在悵望彭城是舊都

背關東下壯圖空天遣芳姿出故宮舞態依然悲垓

卜春光何處度江東羅衣夜繡纖纖樣錦髻朝簪
裊裊紅百卉競爭佳麗日貞心誰得與君同
綠慘紅愁不自由斷腸人似此花不劫殘瀕洞橫蛇
夜夢破風雲逐鹿秋荆豔多情依魯堞楚聲遺恨割
鴻溝野雞人毳皆黃土獨有芳名小草留

前題追次豐草菴詩韻

漫留青冢牧明駝冒逐東風夢馭娑月偃牙旗氏翠
鳳漏殘玉帳轉靈鼉游絲與結同心帶香露還霑刺
繡鞞一簇亂紅愁不語搓搓輓舞大夫魔

決別陰陵劇苦辛獨憐玉骨魏夫人黃衣催擊花奴
鼓青鳥銜來虢國巾不共梳鬟秦殿曉那知擁髻漢
宮春斷紅雙臉娟娟影仿佛妍思記會真

翠屏開處照金鐙栽向瑤臺最上層羅袖泪翻元憺
慨劍華血染尙飛騰紅閨乍可儕貞女香阜何妨悟
老僧莫入上林虞氏簿應偕杞婦慟城崩

椒風茝若莽黃蒿今復誰家據虎牢不分鴻門提玉
玦空嗟函谷付金刀愁安鈿朵新妝鬢羞暗團花舊
戰袍欲爲幽芳編日歷敢辭彤管手親操

前題再次豐草庵詩韻

生小從軍跨橐駝舞衫紫鳳羽娑娑危臺重上朝盤
馬楚水空流夕聽鼉玉檻碧垂承唾袖錦筵紅射
梳鞦華魂倘夢吳公例詎向長秋中睡魔

樂府曾聞青兕辛娉婷不讓細要人證來竊藥登仙
籍悟徹拈華呪覆巾斑竹湘江他日泪綺梅瑤殿別
家春可憐一樣重瞳恨同殉蛾眉媿太真

掩映蘭膏乍翦鐙動搖官燭影層層繡茵舞按紅牙
拍毳帳歌翻玉爵騰風露寫神偷畫格園林追賞試

茶僧翠莖穉葉猶含憤伯業傷心似土崩

莫惜傾城委野蒿滿園春色賴將牢荒宮汨漬方華
礎戰地魂銷漏影刀日暖不須移錦障春寒猶記賜
珠袍馬班若更修瓶史持筆還應表潔操

前題三次豐草庵詩韻

昆刼頻傷晉闕駝魂歸小草市婆婆春移鏡檻閒翻
蜨水滴銅壺節應蠹綺怨玉錢留寶枕豔思合縫辨
胡鞞折磨剩有珍葩在解釋塵緣不染魔

雜事無緣記秘辛尙留餘話退宮人香含瘦靨愁描

黛芭坼芳心脫裏巾行倚翻階紅藥豔斜聯別塢米
囊春竊藍聲裏流光暮旖旎柔情白寫真

月明宛作照愁鐙花苒樓臺疊幾層盡道秦皇空虎
視豈知漢帝已龍騰能傳節操蘭閨娃誰弔英雄竹
院僧名氏翳如留太史只憐項紀不書崩

繡茵鋪徑漫生蒿曲檻疏籬位置牢義比錦車持玉
節烈踰侍女佩銀刀聞歌尙似風吹袂訴憤猶令涕
灑袍賸欲寵褒閒草木書花九錫筆重操

秋室集卷九終

秋室集卷十

詩七絕

歸安楊鳳苞傳九著

西湖秋柳詞

藏雅門外晚雅啼無限秋光上壓堤不見錢塘蘇簡
簡煙痕一抹夕陽西

回首東風十萬條畫樓亞處鬪纖腰香車去後游驄
散閒殺紅欄第四橋

故宮鶯語怨秋闌輕拂芙蓉露未乾試問風情誰得
似小劉妃倚玉笙寒

煙雨湖山翠黛愁錦飄遙送下揚州惜無陳范春風
筆點染南朝水墨秋

萬頃堂深月正昏新塘歌舞不堪論謝家飛絮歸何
處賸有嬌黃照夜痕

玉鉤簾幕自年年紅粉飄零更惘然惆悵披香秋色
好無人曉起聽涼蟬

西泠西畔斷橋東樹色蕭蕭寫鏡中日午畫船齊泊
處林梢還颭酒旗風

烏棲麴苑正昏黃眠起依然踈地長斜照薄花涼似

水勾留七十二鴛鴦

更無花絮送斜暉
葉葉書蟲影漸稀
卻比唐人剛下第
眾中蕉萃綠羅衣

誰道湖頭少送迎
渭城譜入笛中聲
飛來社燕已如客
一段離愁畫不成

續賦十六首

疎林影落十三樓
寫出江南一片愁
試向湧金門外望
煙欺露重不勝秋

鑠瀾一帶已先零
搖曳新涼占水亭
好是曉妝明鑑

裏四山鬟翠暈眉青

水仙王廟幾枝斜脫葉淒淒藉軟沙紅袖不知春去
也銀箏猶案舞楊花

卻憶春朝繫酒船三隄凝望碧于煙而今縱帶斜陽
好那得風流似去年

慣見鈿車糝麴塵彊垂煙態卧花茵水香露影空明
處留得西陵綰結人

香山居士鬢成絲愛聽玲瓏水調詞不道瘦腰無一
把小蠻遣後更禁持

會芳故苑最魂銷
花月當時妬細腰
樓斷御溝流水外
昏雅歸去認前朝

御教場空禁樹衰
蕭慘祇有數行垂
繡旂已偃團營散
嫺向西風試淺眉

蘭陵王曲動離思
搖落湖頭又此時
可惜風姿消減盡
縷衣老去李師師

聽鷺亭畔集啼烏
攬月橋邊釣艇孤
聞說南湖多樂事
秋來還爲賞心無

霏霏涼露濕池臺
太息芳年去不回
記取總宜園內

樹也愁天外雁聲來

秋老漁莊萬萬行水西雲北盡蒼涼泥人風味依然在直送吟鞭過定香

暮雨飄蕭水寺前玉蛾狼藉不成縣舞衫歌扇都拋卻舊日芳華已化煙

慈明疎影曳宮簾金縷曾牽玉手纖想見倚香楊妹
子水蒲風絮畫秋匳

濃陰綠中九曲城廣陵應媿負佳名千年豔說隋隄
樹爭及重湖翠織成

傷心垂柳又垂楊空有衰條拂水長等待明年寒食
節映波橋上看鵝黃

自和十二首

有序

柔兆敦牂之秋予以試事浪迹西湖舍于水
磨頭卽白石老仙館方氏故址也于時隄柳
始秋依依向人似欲訴其遲莫者爰賦秋柳
詞二十六絕句中多借以詠懷古跡竊比白
石老行人悵望蘇臺柳曾與吳王掃落花之
篇今年復因秋賦留滯玉壺水口去舊館道

才如咫攀條泣然不勝江潭搖落之感輒自
追和十二章宮商不高未識可協諸樂句否
每艤舟于西冷雲樹間哦詩吹簫湖波過響
蕉萃柳枝猶爲余作舞態第恨無小紅低唱
斯詞耳元默困敦壯月哉生明萸泝楊鳳苞
識

秋聲一夜到天涯折盡長條古渡斜最是客中看不
得曉風殘月冷棲雅

紛紛涼葉蘸涼波掩映紅橋閒綠莎十二畫欄三萬

樹不知何處着秋多

斜日瓏玲照眼明
絲絲無力綰春情
拍隄水漫西風急
併入中宵撼笛聲

平林歷亂亞西村
一路疎陰接暗門
依舊訪秋鈿轂到
錦韉重拂雨絲痕

夜烏啼處坼金槃
留與紅兜側帽看
何似白門風景地
淡煙流水六朝寒

裊腰襯地管年芳
漾碧搖青耐已涼
近傍段橋彎似月
分明好鬪畫眉長

水雲瘦盡漫誇腰畫舫笙歌久寂寥落日斷霞高處
望意隨隄遠恨迢迢

珠樓何處覓黃鸝香月鄰空冷翠漪一桁水心亭外
影倚闌猶弄玉參差

秋光欲染水粼粼脩態依然鏡裏春獨客撚枝無一
語張穠已嫁認前身

玉津花事半飄零露葉如噉晚更青斜照只描紅樹
影不將金匱畫南屏

妖韶風格世間稀休與夷光較瘦肥歌斷鞠花新曲

破吟鶯誦燕望春歸

青眼盈盈畫不如
淩波顧影渺愁余
目成應笑悲秋士
短鬢長條一樣疎

重和十二首

有序

昔亡弟鳳擊箋余原詞云感士不遇託物寄興之作無待于箋其外言婉而多風深有得於風人之旨者或僅目爲流連光景或又指爲愀歎古今藉非箋之終莫能得其解也箋仿孔仲達詩正義體凡三千餘言毋疑辭費

俾後之覽者知李長源甯止賦柳已乎惜弟
歿後橐本悉佚其序略能記省今兩和詞猶
前志也而重爲予作鄭箋者誰哉人琴俱亡
有餘痛焉錄序于右以見箋雖佚可以意得
而未箋者亦可悟異狀同所矣元月丁酉朔

鳳苞書

芙蕖吹墮謝家船隄樹重攀又六年自與秋槐共零
落行人愁蹋故宮煙

萬松金闕已無存葉下寒潮夕到門小隊紅羅人不

見數株空曳月黃昏

刻盡烟根并雨條木波遺恨最難消
何人更唱陽關曲卻遣飛花老北朝

漸覺酸風作意吹柳州東面已離披
三春尙號傷心樹況在無眠不舞時

空林畫角不堪聞遠近平蕪淡夕曛
顚顚休憐難寫照宋家驢背故將軍

寂寂花光畫不開龍舟浪擁畫橋回
臨波近愛濃陰減爲許驚鴻照影來

月榭重呼鞠部頭靈暉舞罷許柔柔攀條莫悵年光
晚紅粉從來總怨秋

不見飛花語燕銜小垂手處尙摻摻憑君好付紅牙
管鐵笛吹愁未可芟

拂水春藏搖碧齋白沙隄曲冑青幘誰言消受東風
好月淡煙疎儘自佳

鸞老花殘小劫灰猶餘翠浪湧樓臺酒人大有傷離
處怕見簾前掃綠苔

樹影微茫漾落暉關山秋望淚霑衣折來苦憶他年

別萬里霜空一雁歸

任教拋擲自妍華也傍青帘也帶沙有客被他長繫
住落花飄盡不思家

三和二十首

有序

元時西湖竹枝集吾家鐵史首倡之流布南
北和者百餘家自明以來好事者又采爲續
集而竹枝之聲大備鐵史自序有曰一洗尊
俎粉黛之習道揚諷諭古人之教廣矣審厥
指歸體裁具風雅之變音節合劉白之遺殊

有資於政教焉予曩時作秋柳詞數十章稍
變柳枝之體僅可比諸折楊皇琴娛悅里耳
不若竹枝鋪敘風土可備歌謠之采也去年
重過湖上回憶前塵不堪把翫扁舟娛詠興
來曷禁旣而朋好燕游繼聲競作東棖西觸
咀雋含腴秀絕鉤絲情靈搖蕩寫西泠之煙
水慨南宋之興衰一角臨安詞名其復盛乎
小樓聽雨鐙炮櫟殘旁皇吟賞更賦廿首聊
以答諸君子蓋竊取無言不讎之義非敢希

風說響如鐵史之輯倡和也乾隆五十有八年歲在昭陽赤奮若月在橘如丙寅朏小玲
瓏山樵記于采蘭之篲

何許關情駐曉驂枝枝斜墮舊三潭游人爭戀湖頭
好不記西風滿漢南

嫵寒似水雨如塵誤認纔黃半未勻昔日風光留不
住雙蛾老作捧心顰

下鵲池荒采鷁稀晚蒲蕭颯相依陌花遺曲空悽
惋深院沈沈鎖版扉

露條烟葉漸闌珊
翠館人歸夜正寒
月落平湖秋色遠
夢回幾度捲簾看

將黃映白轉茸鬚
欲挽年華恐未勝
移入蕭郎圖裏看
涼堂披拂九枝鐙

滿林無復坐金衣
罨畫湖山花信稀
尙愛綠卿好名字
只應西子聘爲妃

軟舞傞傞態尙狂
無端弄碧更吹香
風情謾說東坡老
剛道江邊別恨長

兩行秋壓夜潮降
落葉蕭蕭打水窗
舞雪空餘漁隱

曲洞簫吹徹不成腔

繞隄烟冷水空明
淡墨秋容淺
畫成憶得綠陰深
似雨紅船閒理玉韉笙

風月錢唐不再逢
御園五樹已蒙茸
惜奴玉潤宜兒媚
秋到長門減舊容

芳苑牆深曲曲環
可憐春老瘦弓彎
翠寒簾底笙歌歇
一任離人取次攀

林影參差水影交
幾番眠醒亂垂髫
夜烏啼斷鶯無語
遮莫王孫柘彈拋

依依殘照北山隄
馬尾青絲盡向西
零落舊時裙帶
樣飛來白鷺一雙棲

昔承瓊管奏芳妍
簇縷垂緜織禁煙
今日數茸零亂
在漁舟來櫂水堂邊

輦路曾經拂翠華
兩朝宸賞最堪誇
西風不到行宮畔
猶倚春嬌玉座科

隄上年華換古今
月中雙笛訴秋心
休言春去餘多
少樹樹寒蛩作苦吟

客來偏賞牡丹秋
那識柔枝解繫愁
我過蘇隄約漚

鷺一林黃落共勾留

淒清盡入老蓮詩
平渚閒波異往時
回首日斜歸鳥外
六橋行過更遲遲

書生自昔誤青袍
彈指三年幾枉勞
若供棗饒衣可染
不辭九日祀花饒

灞岸年來定有無
永豐西角已全枯
春鐙聽雨吟秋柳
夢斷香銷憶玉壺

題西樓聽雁圖爲劉三

桐悼亡作

湘雲夢斷楚天西
梧石新圖點泪題
寫似疏簾斜月

下小樓人遠雁聲低

零落鈿蟬減豔思
虛憑霜信託微詞
惱公情味知何
甚酒渴香殘夜坐時

懷王五

翰青

客松江

澱湖問訊釣公居
渺渺烟波夕照餘
想得詞人搖艇
過櫻桃花裏網鱸魚

一曲回波擲遂涼
吾家老鐵舊清狂
憑君爲弔三高
墓紅雨千山開野棠

題王五長短句後

酒留香滯悵吟箋玉筍雲蕤五百年花裏重翻銀字
譜風流今復說中仙

楚腰夢醒憶揚州重寫江湖載酒游乞與瑤花催短
拍紅闌橋外月如鉤

題王五

翰青

鵝塘行腳圖

老去青衫拋卻無鵝塘回首只須與一瓢一笠天涯
路不待歸參守舍奴

鷺頭雞足任君之何事紅塵插腳爲他日冠巾傳日

下斜川還寄北山移

時王五
將北上

讀施二國祁後憶詩戲贈

賦得錢錢爾許同
肩輪青兕琢詞工
好天涼夜團團
月可入銷魂句子中

隔簾眉語柳毵毵
釵茗擎來笑帶慙
底事夢回無覓
處唾絨紅冷瑣窗南

惆悵重來杜牧之
綠陰青子已多時
若逢七夕星河
夜忍聽停車隔巷詩

嚼葉吹花破玉顏
障風抱扇試了鬟
閒門一帶濺裙
水曾照雙雙誓博山

荼蘼

花事關心苦斷魂
綠陰如水浸重門
餘春卻在無人處
那要東風粉筆痕

未得芳名入楚辭
借他壺酒寄年時
只應畫戟清香地
消受韋郎五字詩

綠華分乞去憶前宵
小酌青棠事已遙
二十四簾幽夢斷
泥人花氣莫相撩

霓裳舞倦倚瑤闌
輸與能詩主簿官
別有風情忘不得
小樓梅雨枕函寒

題陳金鳳外傳後

帳底歸郎那易尋
樂游曲冷夢初沈
玉容珠淚香簳
筆賦得長門夜夜心

往事空貽鏡殿羞
東華夜蘸水晶游
燕支山下春如
許那供窗寒擁髻愁

舟泊東遷弔邱希範故宅

東安弔古小停撓
詞客遺蹤久寂寥
惆悵無緣招錦
夢落花風裏話南朝

草長鶯飛又暮春
臨川幕下筆如神
千秋腸斷江南

句何況當時署諾人

題范四

錯

蓮塘消暑圖

綠意紅情換倚聲
冷香吹上小銀箏
白雲白石披圖在
輪爾風流白舫生

暑夜

暑雨蕭寥向晚收
小庭夜景近新秋
一林露葉約涼思
滿地溼螢如水流

題阮大鍼樂府

一年江左小朝廷
夜飲朝眠曲未停
不管馬嘶渡揚

子檀槽親撥教諸伶

漏舟焚屋鬪妍華舊院風流屬內家
一自劍堂新曲奏黃旗清曉進蝦蟇

研紅箋小敕填詞狎坐吹簫逐燕娛
卻笑齊梁風味

淺破家時節酷裁詩

王次回句

秦淮烟月夢中消樂府猶傳寫韻嬌
留與水天作閒話桃花燕子送南朝

再題西泠酒家壁

拂檻疏楊一道斜
煥涼沁客退茶瓜
瓊花露間梅花

酒小酌湖天看落霞

點花牌挂繡簾邊少婦當鑪解數錢
絕似故宮妝束好輕紅衫畫孟家蟬

東庫西樓例品嘗行都舊事話難忘
年年八月迎新酒曾醉金釵十二行

不見李三婆菜酢空傳宋五嫂魚羹
生憎關撲官窯器風物依然學汴京

醒庵詞筆老雕蟲尙被光堯覽賞中
玉輦重期他日幸預將醉墨灑屏風

春日同謝大庭過歸九希哲宅詠牡丹

雨後濃香暖麝臍斜陽還傍小窗西年來愛被花相
惱綠樹愁聽謝豹啼

牢落春心悔不廉錦堆紅蠟任厭厭內批無分金槃
賜拘取穠枝插帽簷

清平三調始歌辭開寶聲華勝一時休學君家靈運
佛永嘉水際獨無詩

過眼芳菲跡易陳早從裙屐想丰神流傳十詠圖真
本漫說通兒寫老銀牡丹爲希哲尊甫卽山先生遺
植先生工吟詠有曉齋詩藁時

希哲摘錄先生生平所自愛詩手書淨本彙行十詠
圖見齊東野語墓有通兒書老銀張伯雨句自注老
銀歐陽通之母
其墓誌通自書

題嚴九元照

與族子章傑

梁溪倡和集

才名競說籍咸雙孤櫂聯吟雨未降料得卸颿先一
笑九龍山翠落船窗

蠶月桑津花落時東方千騎未嫌遲早間有語分明
寄臣叔由來本不癡

亦有英靈蘇蕙子更無悔過竇連波世間那得回文
錦莫信流傳棗木多

花月梁溪點染工好將檀板付玲瓏五湖一舸全家
返不入秋槎畫扇中

題嚴九豔詞後

瑣窗夜靜蠟花紅幾許關心賦惱公料得深閨成一
笑月明無那畫堂空

薄寒親解鷓鴣裘暗祝蓉旂好遠游更有閒愁銷未
得夜明簾底看梳頭

其命齊半不並棲落花飛絮肯沾泥勸君休結千絲
網錯認儂家舊姓西

仿佛天街繡輦過靈犀詞筆寄情多也知一事全輸
卻不遣君王問選哥

十五登場顧影單輕於蛺蝶弱於紈那堪乍對紅船
夜翠被香銷各自寒

頌橘情懷不讓儂洞庭霜落恰相逢願佗莫作餘甘
尉同拜江陵萬戶封

如意他年織錦衾明明似月證前心副衣先與輕紅
綉不是開箱惜賜金

早除綺語悟楞伽識悔文成計已差芍藥櫻桃開過

了生來香國亦空花

戲贈嚴九

夙豔莊辛把手人
翠衣光照楚江春
今朝白玉堂東見
浪說驚鴻望未真

身如飛燕鬪風輕
腰褭翩然眼暫明
始識妙鬢雲更好
可曾枕著袖羅橫

不信剛教小庾憐
背花一去渺如烟
問渠梳裹緣何事
直得呈身媚客筵

小別經旬便斷腸
可憐相見但形相
無端翻得樊南

句解道銀河未是牆

題嚴久能秋江載月圖

抱月飄煙一尺腰
洛紉貌出最魂銷
自緣花帶多芳思
蚤賦閒情寄卻要

浮梁煙月夢迷離
畫舸迎來未悔遲
當日關心今滿願
可堪重話簸錢時

十年再見石谿樂
水佩風裳彷彿間
記否橫江浮一葉
船窗飛過小姑山

翩如天女五銖颺
閒笑屏風畫裏妝
莫是羊家張淨

未定集卷五
琬偏隨薛九舞嵇康

洛水妃憎賦裏吟折殘銷恨賸空林爭教陀利樓頭
見稱意花棲共命禽

二百籤繙署淨名堅脩意樹與身城緣何悟徹支公
賦翻使鳩摩兩股鳴

隔牆釧動也棲神慶喜肩衣儘著身丈室維摩花不
染何妨碧玉是情人

秋月秋江打槳回桃根桃葉任疑猜梁谿好手工皴
染攔入陶家畫扇來

題歸大鸞清苕漁隱圖

斜日沙頭盪槳歸柳陰閒卧綠蓑衣何如禪客傳漁

隱畫出楊花繞夢飛

胡仔茗谿漁隱圖僧了宗筆自題詩有日高春睡無人喚掠亂

楊花繞夢飛之句

避地休嗟著處難布帆無恙水雲寬江南苦被征輸
盡只有漁租不入官

溪流如鏡映朝霞鴨嘴船輕故故斜昨夜東風潮有

信鯨魚吹雪上蘋花

山海經浮玉之山苕水出於其陰北流至於具區其中多鯨魚

筍笠烏篷汎玉湖
輪翁風調世閒無
卻教山抹微雲

壻分取漁歌入畫圖

歸大沈綸翁
樹本族壻

富貴神仙兩不持一竿浪跡欲何之
煙波莫道無人識曾見璜書近釣絲

他年豫想了經綸滿眼青山卜四鄰
乞得頭銜五亭長算來原是卷中人

裸感

柿葉翻時最愴神一枝紅墜鏡中春
玉溪錦瑟空題怨未是含悽抱恨人

吹簫人去比奔蟾寂寂妝樓掩畫奩
閒卻生花雙黛

管吳羗朵翠莫侵簾

暫見空華優鉢曇錦筵紅蠟已虛探休言未忍看遺
挂永逝文成總不堪

綠繡笙囊冷綺櫳悼亡詩滿舊屏風元稹句傳來惆悵

新詞句讀罷鐙昏又惱公

襍詠

秋風苜蓿漢宮門天馬悲鳴汗血痕駿骨原能三萬
里人間無路到昆侖

寒烟暮靄雁低飛千里磬磬食稻肥莫戀江南好風

土增磬加汝不能歸

題鈕大

重熙

葦村小憩圖

潑眼青山繞郭寒
清茗曲曲水雲寬
欲知詞客幽棲處
一簇芳開雪滿灘

數行衰柳綠於搓
紅樹人家俯夕波
目送雲帆天際沒
滿村涼月雁聲多

繞宅圓沙碧玉抽
旋看秋雪點輕軀
多君管領頭銜好
新拜蕭寒假節侯

水國蒼葭早著霜
浪花雲影畫斜陽
忽聞撼遂烟波

好知是夫君泛野航

寒雨沈沈溼楚縣攢叢籬角屋如船分明喚起江湖
興獨夜孤篷枕手眠

邊亭卷葉作笳鳴跳月花蠻巧奏笙塞北滇南風景
別爭如閒館聽秋聲

撥蠟吾鄉韵事多鷹揚鳳舞與驅波從教印史添姜

趙私幸松寥巨手摩

君工篆刻余寥夷山館白文印君手製也

白石風騷乍可還蓺洲漁蘧許誰攀請看簇水爭傳
唱位置餘不二隱間

陳生

經

囑畫師繪小紅低唱我吹簫圖因撫白

石事作四絕句題之

六柱吳船偃畫杠垂虹窈窕落油窗烟波沓渺簫聲
起聽唱新詞字字雙

開紅一舸載瑤箏滿路香飄竹肉聲三十六陂秋色

好先尋三十六鵷盟

頃與生自甄胄歸苕道經吳江各賦幾章故撫白石詩事

笠澤天寒雁影過詞人雙槳盪蕩波倚聲曲有商卿
度那及紅妝斂翠蛾

琴劒蘭亭古印章羨君無媿繼鄱姜

蘇召安有白石鄱姜之句以堯

章鄱陽產也畫圖翻屬空中景未見詩翁贈後房

送弟擊之金閨

片帆東下古吳門重認春衫舊酒痕十里桃花山郭路野航個個賣河豚

拋書忍示小原令拋書示脊令少陵句別柳依依照眼青此去

落花寒食近粥香餠白可中亭

金尊銀燭天涯味紅樹青山夢裏家吟到桐邨好詩句高堂應悔綵衣賒

題陳老蓮白門秋柳小景

官柳無情曳晚潮
畫中省識秣陵橋
夕陽疏影寒鴉外
一片秋光見六朝

斜拂清江十四樓
纖腰瘦損石城秋
平章風月誰同事
只有飛花點渡頭

冶葉倡條更莫論
章臺舊夢苦銷魂
鬢持老去橫波嫁
蕉萃何人染黛痕

春去靈和玉座空
弓彎那復舞東風
可憐鶴髮開元叟
灑泪寒煙寫故宮

九月九日

秋草衡門落照孤
叢殘陶穎任荒蕪
疏林黃葉階前影
一幅唐人下第圖

花燭詞贈陳生

鑾

青桂鸞鳴最上頭
夜摩天合鞠花秋
枯禪未識金仙指
爭遣難陀暫下樓

譜就唐人卻扇詩
玉湖畫舸去遲遲
碧瀾堂外填河駕
恰似停車隔巷時

檀奴生小住東城
元是要兒舊里名
今日重臺蓮更見
不教長爪獨傾城

瑤箏小奏紫雲回
月地花天錦繡堆
玳瑁張筵金作屋
芙蓉引鏡玉爲臺

解來玉佩憂玲瓏
一色朝霞入夢同
偷覷紅輪應省識
前身曾共蕊珠宮

芍藥蒲桃鬪句妍
卻憐今夕是何年
遙知相對銀鐙畔
花簾親裁贈婦篇

薄寒宜佩辟寒金
睡鴨微溫坐漏深
雙炷沈煙元一氣
交花密炬自同心

銅壺銀箭送珊珊
香露鴛鴦瓦上圓
曉起屏風開六

曲雲藍小袖不勝寒

三寫蕭郎選體新居然裙屐六朝人
星娥月姊猶相妒莫向妝臺誦感甄

奉盒擎箱盡麗都碧文圓頂結流蘇
誰將紙閣蘆簾意寫入梁家舉案圖

鈿閣牙籤萬卷儲典收新倩女尙書
好攜描黛青鏤管勘得華林七錄如

哀依箋傳媿經神易教曾聞虎觀論
絲竹後堂還一笑平生不會講睢麟

續賦花燭詞贈陳生

余爲陳生賦花燭詞十二章屬和者首王句
生拙園湘帆竹泉繼裁贈詠衡江弦齋有諾
責焉復題十二絕句於元辭後以趣之兼乞
衡江代書末數章蓋以勗生也

綠繡笙囊已十年助妝誰贈夜飛蟬無端拾得西崑
句團桂花開月景圓

輓腳筵前盡粲花坐中晏沈最才華蓮鴻歌拍蘋雲
侍只候新聲付琵琶

琪樹風飄法曲音
銜來絳簡是青禽
碧城昨夜羣真會
巢父茆君也學吟

述昏詞譜六朝初
輕扇紅妝畫不如
見說能詩何水部
曾傾沈范兩尙書

侍史箋箱授幾番
鸞飄鳳泊靄孤鶩
慙余斂却薑芽手
細字蠶眠乞上元

緘菜依稀出蜀都
和鳴麗製集成無
綠菰爲讀涪翁贊
青芥還題惲老圖

雙石嘉禾九事誠
雙臺雙景出摻摻
采珠倘步芝田

館定揀砂按闕枕函

莫道瓊林限玉扉高寒輕颺五銖衣明年準擬誇文
賦妙解何妨授紫微

青蘿字婢洞林詳酸味憑誰比海棠莫怪近來崇鄭
學擣香也注漢宮方

伏川愛玩冑求官左氏新編戒晏安文約更徵楊鐵
史女紅補日一鐙寒

遺忘可問錦衾來夜坐休銷獸焰灰若得靈檀裝七
寶世間惟有謝霜回

榮願芥通足砭針歲華終賈去駸駸匏尊墨會開囊
錦摘槩兼教慰我心

同陳生經過溫氏拾香草堂看荷包牡丹

昨夜東風昨夜寒漸舒宮纈小紅攢一簾曉雨如塵
細也報春光到牡丹

三寸青羅一捻紅花瓷窠石映玲瓏從教洛下添名
種定入歐家小譜中

弗弗輕銷蹙細紋東君未倩麝蘭熏玉人插伴釵頭
燕不共羅囊繫繡裙

半春幽恨爲誰緘細朵如親女手摻名借香纓宜雜
佩芳時空負鼠姑銜

補正湖州詩錄成發書巢先生清遠樓詩存讀
之回環雒誦研味無窮真覺毫髮無遺憾波瀾
獨老成詠歎不足繼以聲歌爰得二絕

風雅西吳久寂寥
輪翥一去海珊遙
羨君小展回瀾
手強弩三千突射潮

燕秦楚蜀道途難
眞得江山萬里看
更向粵南窺漲
海魚龍百變繞詩壇

雨窗讀施二國祔後憶詩卻寄

水窗梅雨最蕭閒
綺識年來特地刪
寄語醋坊橋畔

客斷腸莫似賀東山

賀方回居姑蘇醋坊橋有小築在橫塘嘗往來其閒作青玉案

詞卽梅子黃時雨也見龔明之中吳紀聞東山方回樂府名

秋室集卷十終